



Dräckspatz

Dr offiziell Zedel
2008 vo dr FGM

Fasnachts Gesellschaft Magden

Im Blocher hett's damol nümme glängt
Si heinen us dr Regierig drängt
Jetz müess er sich nüm a d'Regle halte
Uf dütsch gseit heisst das: es blibt alles bim
alte

Statt bim Zält abboue go ummehange
Treit euse Präse lieber Isestange
Schaffe, chrampfe, kei Firlefanze
Und zeigt eus si neue Stophag-Tanz

S'Klima erwärmt sich wäge furzende Chüeh
E Gedanke, mit dem hei vill Lüt Müeh
Aber merksch, wenn d'nämmlich ehrlich
bisch
Dass es i de Hose scho e chli wärmer isch

Nach dr Uslosig isches jetz endlich duss
Mir tschutte gege die vom Bospurus
Und wenn's für d'Schwyz e Sieg sett geh
Chasch nochhär im Stadion e Boxmatsch
gseh

A dr Expo z'Magde wird dr Gwunder gweckt
Vor allem wenn im Düda-Auti dr Schlüssel
steckt
Denn probiert me, e paar Meter z'fahre
Direkt im Natan - hinde in Charre

Do gang ich doch schnäll uf Helsinki
Vom Siegerpodeschtli abe winki
Als Vampir cha mir doch nüt passiere
Usser es grosses Bobo z'kassiere

Chumm au Du uf Magde cho wohne
Du wirsch gseh, es duet sich lohne
Aber d'Möbel, stellsch erscht ane, dört
Wenn das Huus au wüerklich dine ghört

„In dr Kuchi bin ich no kai As“
Seit das Beerli und wird ganz blass
„Ufem Tennisplatz, ehm, da isch scho guet
Wenn me sich e Linie inezüche duet“